

論語經正錄

論語經正錄

論語正義

卷一

張祖翼

署首

柳

光緒二十一年
仲春月鐫板

自朱子爲論語孟子集注又取禮記中大學中庸爲之章句紹熙元年刊於臨漳後儒誦習名爲四書與六經並行元明至

國朝以經義取士皆試四書義垂之

功令背注者黜弗錄使天下士由朱子之學上窺鄒魯恣至善也沿習旣久逐末忘本以聖賢明道教人之書給取利祿而罔聞於行高明之士則厭棄之殫心訓詁攷據惡言義理正學不明士風日下時文講章之弊至斯極矣先君子居常憂之思欲纂集一編以救時弊晚季疾佗未及詳加摭討呼

小子用語

命繼成之

用語

謹定條例廣集羣書閱六寒暑先成論語二十卷媿質之不敏庶庭訓之垂從大懼鹵莽滅裂採擇失當得臯

聖經墜厥先志私心慄慄未敢卽安願與好學君子共商之焉

集注章句辭簡義深非初學所易領取故讀集注章句必參以或問旁及朱子語類文集然後經旨易明然或問爲未改之書語類爲門人襍記文集多未定之論參互異同難以畫一趙格菴四書纂疏胡雲峰四書通及明永樂大全皆採或問語類文集合於集注章句者附注於下然觀大全所載皆輾轉抄錄裁翦合併更爲增飾證之本書類多舛譌識者病之今於語類文集從原書採錄注明某錄答某某書參校同異並識當日質問之人庶學者有所攷焉

何氏集解取孔安國包咸周氏馬融鄭元陳羣王肅周

生烈八家皇氏義疏取衛瓘繆播樂肇郭象蔡謨袁宏
江厚蔡溪李充孫綽周懷范甯王珉十三家朱子論孟
精義取二程子張子范祖禹呂希哲呂大臨謝良佐游
酢楊時侯仲良尹焞十一家至爲章句集注則兼採漢
唐以下五十四家趙格菴纂疏取黃幹輔廣陳淳陳孔
碩蔡淵蔡沈葉味道胡泳陳埴潘柄黃士毅眞德秀蔡
模十三家胡雲峰四書通又增入四十五家蓋義理非
一人所能盡經旨以其證而益明摭拾博則投擇精守
偏見安簡陋通儒弗取是書斷自朱子以下宋元明至
國朝先儒採錄者亦百餘家非敢務廣庋不失博學詳
說之義云爾

朱子集注屢經刪改自言字字稱量於聖人語意剖析

精微不使少有出入故有言理深通推說曲暢它人所喜朱子往往辨而廣之然此義言內注目圈外注則少寬矣此書仿朱子論孟精義衛正叔禮記集說薈萃眾說爲例益寬所賢闡明經義大旨不必悉合集注語意羣言衆陳要歸自見在學者善觀會通而已

朱子傳程子之學而說經不盡同程子金仁山許白雲得朱子正傳而於集注間有匡正蓋義理之宏綱要旨聖賢修道入德之方千聖相傳不可不同者也章句文義典章名物詮釋各異攷據詳略有殊不必皆同者也此書所採有持儒之說朱子所不取者有朱子舊說與集注異者亦有集注偶失論辨匡正者苟於經義有關不以異集注擯而不錄至義理之宏綱要旨聖賢修道

入德之方則恪遵朱子違異者黜讀者詳之

朱子之學表章於元大顯於明正嘉靖純儒輩出道一風同人喪異學自陽明氏起而後異說興焉陸稼書訂正四書大全錄蒙引存疑不取萬歷以後之說其松陽講義辨陽儒陰釋尤三致意焉志存衛道可謂嚴矣是書於明季諸儒直標心宗顯背聖經者槩置弗錄言之平實合於經注者亦同採錄朱子於蘇眉山張壘垢以襍學廣之而集注取其說是可知所用心矣

朱子序論孟精義曰漢魏諸儒正音讀通訓詁攷制度辨名物其功博矣學者苟不先涉其流則亦何以用力於此是朱子教人先讀注疏而後及於精義非薄訓詁名物制度不言也且朱子著書務明義理使學者躬行

心得補注疏之不及急於此則緩於彼理勢然耳金仁
山論孟集注攷證許白雲讀四書叢說訓詁名物制度
攷證較詳趙鐵峰箋義纂要陳心叔類攷專攷名物制
度羽翼集注至近世漢學家攷之益加詳矣今錄其說
之精瑯者使學者於義理攷證本末兼資庶不失朱子
教人之旨云

自明永樂輯四書大全懸功令取士時文講章之弊實
濫觴於此然陸稼書困勉錄并蟬菴四書詳說皆言及
制義蓋上以是教下以是學果發篋受書卽知返身爲
己不徒視爲干祿之具何可盡訾也降及末流著述者
競趨風氣誦習者務工時文揣摩章旨節旨虛神語脈
備及精微而不問聖學何如也不問身心何如也朱子

闡明四書之旨荒矣是書所錄於言章旨節旨虛神語脈之說一槩不取而爲學入德返身切己之言錄之必詳或有小補於世意在斯乎

朱子論語或問云凡竝緣假借最釋經之大病蓋或文句偶同而旨意實異或志意略似而向背實殊或反以彼之難而釋此之易或彊以彼之有而形此之無使意已親者引之而反疏義已明者引之而反暗其偶值文意之適同而無待數者之患亦不免倚重於人而取信於外終不若出於吾之所親見而自言者之的埒而真實也語類安卿錄云君舉在三山請某人講學而旨章謂第一節是心與理一第二節是己與人一第三節是人與天一以爲奇論是其科舉之習未除今所錄者謹

依朱子解經之例凡獨標一義該括經旨以爲新奇如
科舉之學假借它書附會經旨以爲有據如今漢學家
之說者皆所不取

方植之曰後人淺陋著書引古人之書或記舊文不全
妄以臆見改竄鑿空杜撰紕繆陋妄最足貽誤後人故
今當嚴其例必全引用原文此一義也衛正叔序禮記
集說曰嘗取鄭注孔義翦除蕪蔓採摭樞要又一義也
是書採錄時有節刪或原文繁冗割棄蕪辭如王船山
讀四書大全說或辭近俚俗太甚如朱子語類其
它亦間有刪汰然斷章則有變本則喪至其原書喪存
從它書採錄者則據先儒之引改非末學所敢塗也
衛正叔禮記集說蒼巖諸家不參以己說其自言曰它

人著書惟恐不出於己予之此編惟恐不出於人存心
廣大人多稱之是書義亦在薈聚眾說然有朱子集注
在再實已有所宗主凡與集注異者少加案語以辨異
同務使羣言證明非敢彊作知解

光緒辛卯冬十月用詒謹述

論語經正錄採錄諸儒姓氏

朱子

文集 語類 四書或問 延

平荅問

閩縣

勉齋黃氏 幹

論語注義問荅通釋 胡炳文四書通

龍溪

安卿陳氏 淳

北溪集 字義

慶源

漢卿輔氏 廣

論語荅問 胡炳文四書通引 胡廣四書大全引

溫州

知道葉氏 味道

講義 四書說 胡炳文四書通引 胡廣四書大全引

南康

伯量胡氏 泳

胡炳文四書通引 胡廣四書大全引

建安

九峰蔡氏 沈

蔡氏九儒書

潮州

文相鄭氏 南升

胡廣四書大全引

永嘉

器之陳氏 埴

木鐘集

長安言信如月

建安

節齋蔡氏

淵

蔡氏九儒書

句容

東溪劉氏

伯熊

蔡節論語

永嘉

岷隱戴氏

溪

蔡節論語

慈溪

慈湖楊氏

簡

陸隴其四書

休甯

流塘詹氏

初

寒松閣集

黃宗羲宋元學案引

廣信

雙峰饒氏

魯

論語石洞紀聞

朱子異同條

辨雙峰講義

胡炳文四書通引 胡廣

四書大全引

建安

覺軒蔡氏

模

論語集疏

蔡氏九儒書

樂清

白石錢氏

文子

蔡節論語

南康

厚齋馮氏

椅

胡廣四書

臨江

鶴山魏氏

了翁

鶴山大全集

浦城 西山真氏 德秀

四書集編 讀書記 大學衍

鄆縣 蒙齋袁氏 甫

講義 黃宗羲宋元學案引

縉雲 格菴趙氏 順孫

四書纂疏

永嘉 覺菴蔡氏 節

論語集說

慶元 伯厚王氏 應麟

困學紀聞

慈溪 東發黃氏 震

日鈔

金華 北山何氏 基

金履祥論語集註考證引

樂平 貴與馬氏 端臨

文獻通攷

金華 魯齋王氏 柏

標註四書

新安 勿齋程氏 若庸

性理字訓

建安 勿軒熊氏 禾

標題四書